

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 8. i 10. Zakona o uređenju saobraćaja na području Kantona Sarajevo ("Službene novine Kantona Sarajevo", broj 30/17, 46/17 i 1/22), Vlada Kantona Sarajevo, na 90. sjednici održanoj 18.08.2022. godine, donijela je

## **ODLUKU**

### **O OSNIVANJU VIJEĆA ZA SIGURNOST SAOBRAĆAJA NA CESTAMA U KANTONU SARAJEVO**

#### **Član 1. (Predmet odluke)**

Ovom odlukom osniva se Vijeće za sigurnost saobraćaja na cestama u Kantonu Sarajevo (dalje u tekstu: Vijeće), kao savjetodavno tijelo Vlade, s ciljem podsticanja preventivnih i drugih aktivnosti u oblasti sigurnosti na cestama u Kantonu Sarajevo (u daljem tekstu: Kanton), razvijanju saobraćajne kulture sudionika u saobraćaju i koordiniranja svih subjekata koji svojim djelovanjem mogu doprinijeti većoj sigurnosti saobraćaja.

#### **Član 2. (Nadležnost i djelokrug rada Vijeća)**

Nadležnost i djelokrug rada Vijeća su:

- a) sudjelovanje u pripremi politika, strateških, planskih i programskih dokumenata iz oblasti sigurnosti saobraćaja na cestama, koordiniranje aktivnosti potrebnih za njihovu realizaciju,
- b) praćenje realizacije,
- c) priprema izvještajnih dokumenta iz oblasti sigurnosti saobraćaja na cestama,
- d) praćenje i analiziranje stanja u oblasti sigurnosti saobraćaja na cestama,
- e) predlaganje nadležnim tijelima i organizacijama mjera i aktivnosti koje je potrebno poduzeti s ciljem unapređenja sigurnosti saobraćaja na cestama,
- f) sudjelovanje u aktivnostima koje se provode s ciljem obrazovanja i informiranja javnosti i podizanja svijesti javnosti o značaju saobraćaja na cestama, kao i u drugim aktivnostima i akcijama koje se provode s ciljem prevencije i unapređenja sigurnosti saobraćaja na cestama.

#### **Član 3. (Sastav Vijeća)**

- (1) Vijeće ima ukupno 12 članova.
- (2) Iz reda predstavnika nadležnih ministarstava članovi Vijeća su:
  - a) ministar Ministarstva saobraćaja Kantona Sarajevo, predsjednik,

- b) predstavnik Ministarstva unutrašnjih poslova Kantona Sarajevo,
  - c) predstavnik Ministarstva komunalne privrede infrastrukture, prostornog uređenja, građenja i zaštite okoliša Kantona Sarajevo,
  - d) predstavnik Ministarstva za odgoj i obrazovanje Kantona Sarajevo,
  - e) predstavnik Ministarstva zdravstva Kantona Sarajevo,
  - f) predstavnik Ministarstva saobraćaja - Odjeljenje za sigurnost,
  - g) predstavnik Direkcije za puteve.
- (3) Članove Vijeća iz stava (2) tač. b) - g) ovog člana predlažu nadležna Ministarstva.
- (4) Vijeće ima pet članova iz reda stručnjaka iz oblasti sigurnosti saobraćaja na cestama.
- (5) Izbor članova Vijeća iz stava (4) ovog člana provodi se na osnovu javnog poziva koji objavljuje Ministarstvo saobraćaja.
- (6) Kriterije za izbor članova Vijeća iz reda stručnjaka utvrđuje ministar saobraćaja.

#### **Član 4. (Mandat članova Vijeća)**

Predsjednik Vijeća je član Vijeća za vrijeme trajanja mandata, a ostali članovi imenuju se na period od četiri godine, sa mogućnošću još jednog ponovnog imenovanja.

#### **Član 5. (Prestanak članstva u Vijeću)**

Članstvo u Vijeću prestaje:

- a) istekom mandata,
- b) podnošenjem ostavke,
- c) razrješenjem u slučaju ako imenovani ne obavlja ili nije u stanju obavljati poslove člana Vijeća.

#### **Član 6. (Saradnja)**

- (1) Vijeće u svom radu saraduje sa svim organima uprave, institucijama ili drugim tijelima nadležnim za poslove sigurnosti saobraćaja na cestama.
- (2) Saradnja se zasniva na načelima međusobnog dogovaranja i informisanja.
- (3) Nadležna tijela i druge organizacije dužni su osigurati izvještaje, podatke i dokumentaciju potrebne za rad Vijeća, te pružiti potrebnu stručnu pomoć.

**Član 7.**  
**(Predsjednik Vijeća)**

Predsjednik Vijeća predstavlja Vijeće, saziva sjednice i stara se o organizaciji rada i izvršavanju Dokumenta Vijeća.

**Član 8.**  
**(Način rada i odlučivanje)**

- (1) Način rada i odlučivanja uređuje se Poslovníkom o radu Vijeća.
- (2) Vijeće se sastaje najmanje četiri puta godišnje.
- (3) Organizacijsku, tehničku i administrativnu podršku radu Vijeća pruža Ministarstvo saobraćaja.

**Član 9.**  
**(Izvještaji)**

- (1) Vijeće podnosi izvještaj o stanju u oblasti sigurnosti saobraćaja Vladi Kantona Sarajevo i Skupštini Kantona Sarajevo, najmanje jednom godišnje.
- (2) Vijeće podnosi izvještaj o svom radu Vladi Kantona Sarajevo, jednom godišnje.

**Član 10.**  
**(Naknade)**

- (1) Članovi Vijeća iz reda stručnjaka imaju pravo na naknadu za rad po svakoj održanoj sjednici Vijeća, a visina naknade se utvrđuje posebnom odlukom.
- (2) Naknada se isplaćuje na teret budžeta Ministarstva.

**Član 11.**  
**(Gramatička terminologija)**

Izrazi koji su radi preglednosti dati u jednom gramatičkom rodu u ovoj odluci bez diskriminacije se odnose na muškarce i žene.

**Član 12.**  
**(Prestanak važenja propisa)**

Danom stupanja na snagu ove odluke prestaje da važi Odluka o osnivanju Vijeća za sigurnost saobraćaja na cestama u Kantonu Sarajevo ("Službene novine Kantona Sarajevo", broj 38/16, 34/18 i 45/20).

**Član 13.**  
**(Stupanje na snagu)**

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-31390-10/22  
18. augusta 2022. godine  
Sarajevo

Premijer  
**Edin Forto**, s. r.